



Ukuhlomisa izingane zethu
ngelikusasa

SS 3

Isihloko sesifundo: INkosi uJesu ihamba phezu kwamanzi

Umhlahlandlela womzali

Isikole sangeSonto Isikole sasekhaya



Mzali Othandekayo

Uyamukelwa kusifundo: INkosi uJesu ihamba phezu kwamanzi

Lomqulu ukunika umhlahlandlela ofanele wokuba ungasethula kanjani lesi sifundo.

Ungasilungiselela futhi usethule kanjani lesi sifundo

Nanka amanye amasu ngezansi wokulungiselela nokwethula lesi sifundo:

Isinyathelo	Okufanele ukwenze
1.	Finyelela ku Webhusayithi ye-New Apostolic Church ngokufaka noma ngokuchofa kusixhumanisi esilandelayo kusuka ku-WhatsApp: https://bit.ly/3NACSSHS
2.	Qoqa lezizinsiza zokufunda ezilandelayo ukuze uqiniseke ukuthi usihlomele lesisifundo: • IBhayibheli • Isifundo ngefomethi ye-PDF esivele silungisiwe • Incwadi yengane yokusebenzela kanye namapensele, amakhilayoni, njll. • I-Vidiyo kiliphi okuyisiza sokufunda esingezekile / isisiza sokufunda ongazikhethela ngokuthanda kwakho • Ikhathekizimu yemibuzo nezimpendulo (Ikakhulukazi kulesisifundo sesiQinisiso). Qaphela: 2.1: Isikhathi esifanele sokuthulwa kwalesisifundo, kungemuva kwenkonzo yangeSonto ekuseni, ngokuhambisana nesikhathi sesikole sangeSonto ukuze kugcinwe inqubo yesikhathi esijwayelekile. 2.2: Kepha lesifundo singenziwa nangesikhathi esihambisana nenqubo yomndeni wakho. 2.3: Uyacelwa ukuba ugcine isifundo sibe mfushane uma kunokwenzeka, khumbula izinga lokunaka kwezingane zethu (gxila esifundweni) - uyazi kangcono ingane yakho! <i>Isikole sangeSonto ngokuvamile asidluli imizuzu engama-45.</i> 2.4: Uyacelwa uthinte uThisha wakho wesikole sangeSonto uma udinga noma yiluphi usizo noma uma udinga ezinye izinsizakufunda kulezi ezingenhla. 2.5: Uma isifundo sesiphothuliwe nengane yakho, uyacelwa ukuba wazise Isikole sangeSonto ukuze kugcwaliswe irejista ku MIS.
3.	Khuleka (bheka umkhuleko osekugcineni kwalomqulu) bese ucela uNkulunkulu ukuba akusebenzise njengethuluzi ukwethula isifundo ngendlela Yena afuna ukuba usethule ngayo.

Fundisa lesisifundo sesikole sangeSonto ekhaya



Ungasilungiselela futhi usifundise kanjani lesisifundo

Siyaqhubeka nokwabelana ngezululeko ezithile zokuthi ungasilungiselela futhi usifundise kanjani lesisifundo:

Isinyathelo	Isenzo
4	Yenza indawo ilungele ukufundisa engenaziphazamiso lapho wena nengane / nezingane nisezingeni elifanayo. <i>Isibonelo:</i> Hlala phansi ocansini noma eduze kwetafula.
5	Funda kulesisifundo. Phinda ufunde futhi isifundo ukuze usiqondise kahle. Bukela lesisifundo sevidiyo kiliphu ukuze uthole ukuqonda okungcono ngalesisifundo.
6	Zenzele amanothi ngamaphuzu abalulekile ongathanda ukuwakhumbula.
7	Yazi inhloso yalesisifundo ingane yakho okufanele siyikhumbule.
8	Yethula lesisifundo enganeni yakho noma uyifundele lenandaba uma uthanda.
9	Khombisa ingane yakho ividiyo bese uphinde ubuyekeze incazelo yayo.
10	Khombisa ingane yakho umsebenzi okufanele iwenze encwadini yayo yokusebenzela.
11	Khuleka, noma ucele ingane yakho ukuba ikhuleke bese uphetha isifundo.

Izinsiza zokufunda ezitholakalayo mayelana nokufundisela ekhaya.

Nazi ezinye izinsiza zokufunda zokungezelela lesisifundo sibe sezingeni leqophelo:

1. I-WhatsApp. Xoxani ngesifundo nomunye umndeni osifundayo nawo.
2. Xoxisanani ngesifundo nabanye abazali ukuze uthole ukuchazeleka kahle mayelana nesifundo ngaphambi kokuba sifundiswe.
3. Khululeka ukwenza olwakho ucwaningo ukuze uthole ulwazi olungezekile.
4. Khuluma noMxhumanisi wesikole sangeSonto noThisha, bayatholakala ukunikeza usizo mayelana nesifundo.



Isifundo

Isihloko

INkosi uJesu ihamba phezu kwamanzi.

Inhloso yesifundo

Sifunda kuleli sonto ukuthi:

- UJesu Kristu uyiNdodana kaNkulunkulu.
- Labo abaphendukela kuYe ezimweni eziyingozi, akudingeki besabe.
- NgokukaJohane 6: 16–21, NgokukaMathewu 14:22-32

Isifundo esifingqiwe:

- Ebusuku, abafundi baya eKapernawume ngomkhumbi.
 - Ekuseni kokusa uJesu weza kubo ehamba phezu kwamanzi.
 - Abafundi besaba kakhulu, kepha uJesu wababiza ethi ...
- "Ningesabi - yiMina"
- Ngenkathi uJesu ememeza, uPetru washiya umkhumbi futhi wahamba phezu kwamanzi ukuhlangabeza iNkosi.
 - Umoya omkhulu wagobhoza echibini futhi uPetru, wethuka, waqala ukucwila.
 - Wakhala ecela usizo, uJesu wamophula wathi...
- "Awu wena onokukholwa okuncinyane, ungabazeleni na?"
- Lapho bobabili uJesu noPetru sebesemkhunjini, abafundi bathi kuJesu:
- "Ngempela uyiNdodana kaNkulunkulu!"



Ingabe sisho ukuthini lesisifundo kithina namhlanje na?

Lesi sifundo sisitshela ukuthi:

- Ø Akufanelanga sesabe kepha kunalokho kufanele sibeke ukholo lwethu nokuthembela kwethu kuJesu Kristu.
- Ø NjengoPetru, nathi kufanele sithembe kuJesu.
- Ø Uyosisiza uma sikhulwa futhi sicela usizo lwaKhe. UJesu uyiNdodana kaNkulunkulu; Uhlala esibhekile.
- Ø Kufanele siqaphele ukuthi uNkulunkulu simethemba kuzozonke izimo, hayi kuphela uma izinto zisihambela kahle noma singenazinkinga empilweni.
- Ø Uma sinezinkinga, ungazami ukuzixazulula wedwa. Tshela uJesu ngazo.
- Ø Kufanele sigcine ukukholwa kwethu eNkosini futhi sazi ukuthi singamethemba ukuthi uzosisiza ngokwentando yakhe.
- Ø Sidinga ukwethemba ukuthi intando kaNkulunkulu ingengcono ukudlula zonke.
- Ø Noma ngabe kungelula ukwethemba okokuqala, ukuphinde sethembe ngokuphelele akukedlulelwa yisikhathi. Njengoba uJesu wasindisa uPetru ukuba angacwili emanzini. Uyosisiza futhi lapho sicela.
- Ø Akufanele siphelelwe ukholo; UJesu uyosisiza uma sicela. Kepha konke ngokwentando yaKhe nangesikhathi saKhe.

Eminye imibuzo esingayibuza:

1. Kungani uJesu Kristu iNdodana kaNkulunkulu eza emhlabeni na?

Impendulo: Ukuze abeyisibonelo kithina, futhi ukuba asifundise ukuthi kufanele siphile kanjani. Wafela izono zethu ukuze sisindiswe.

2. Kungani uPetru wakwazi ukuhamba phezu kwamanzi ngokokuqala wabese masinyane uyacwila na?

Impendulo: Kungenxa yokuba uPetru wethuka lapho kuvunguza umoya omkhulu echibini. Wayecabanga ukuthi uzocwila.

3. Ingabe ucabanga ukuthi bekulula kuPetru ukuthemba ukuthi angahamba phezu kwamanzi na?

Impendulo: Cha, akekho umuntu ongahamba phezu kwamanzi. Nami bengizosaba. Kodwa-ke, uma sithembela kuNkulunkulu ukuthi uzosisiza lapho sicela, kufanele siqonde ukuthi uNkulunkulu angenza noma yini. Kubalulekile ukwazi ukuthi uNkulunkulu uzosisiza lapho siswele.



UMkhuleko kaBaba noMama ngaphambi kwesifundo:

Nkulunkulu othandekayo, ngiyakubonga ngalolusuku

Busisa bonke abazali nezingane

Sengathi singabuzwa ubukhona baKho

Busisa isifundo esizoba naso

Sicela usifundise ukukukhonza

Futhi usisize ukwenza intando yaKho

Ukuze sikhule sisondele kuWe

Thumela uJesu azosilanda

Futhi kwangathi singalungela ukuhlangana naYe

Amen

Umkhuleko ngemva kwesifundo:

Baba wethu osezulwini othandekayo, ngiyakubonga ukuthi usivikele namhlanje nokuthi akubanga nangozi lapho besidlala.

Masibe nobusuku obuhle nosuku oluhle kusasa.

Ngicela ungisize esikoleni ukuba sizwane nabangane bami singalwi.

Yiba noMama noBaba ngasosonke isikhathi.

Busisa iNhloko yabaPhostoli kanye nazo zonke izinceku ubavikele ezindleleni zabo abahamba kuzo.

Ngiyacela usize bonke abantwana baKho ikakhulukazi abagulayo. Woza masinyane usithathele sonke ekhaya. Ngegama likaJesu. Amen.